

basha mashito, n'ami, nankenupa kwikisha. Oso mumpeebwe kwi Yaya akafiki kwandji ; na yawa oso akafiki kwandji ntankamupele nya ».
(Mateo 11:28, Yoano 6:37)

Eyi di'Efile-Mukulu aditukalwila ku milwisho

« Nkipaso kini kya kulumbuula songwalume kashinda kaye ? Anka patambuka muyile eyi dyobe. Nankukimbi n'eshimba dyande dyoso : Tondekyelanga nenda kula na milangilo yobe ! Naafi eyi dyobe mwishimba dyande, bwashi ntshikulwishishanga ».

(Ngono 119:9-11)

« Su atwakula'shi tatwina bubu, atulubu atwe banabeene n'eyendo tadi munda mwetu. Su atusokola milwisho yeetu, aye mululame na ena kishima mwanda wa kwitulekyela milwisho yeetu na kwitusuula ku bubu booso ».

(1Yoano 1:8,9)

Bibuwa kubadika suungwa kuteemesha kubadika kw'eyi di'Efile-Mukulu

Twina lukalo n'eyi di'Efile-Mukulu efuku dyoso bu kyakudya kyetu kya mu Kikudi. Esambi adyamba'shi : « Muntu taneekale na muwa ku penda mukate, anka kwi'yi dyoso adituuku kukanwa kw'Efile-Mukulu ».

(Mateo 4 :4)

« Byabya lukumiino alufikaa mu kupusha, kupusha namu kw'eyi di'Efile-Mukulu. Anka kulaayi mu buntu na mu kyukilo kya Fumwetu na mupaashani Yesu Kilisto. Ntumbo kwadi, na binobino na ku'efuku dya yikalayika ! Amen.

(Bena Looma 10:17, 2 Mpyele 3:18)

EYI DI'EFILE-MUKULU



EYI DI'EFILE-MUKULU

« Eyi dyobe ni Elampi ku ngao yande, na di etaata mu kashinda kaande. Kufumbudiibwa kwa mayi oobe akumunyikaa, akupeya bebisumanga kinangu ». (Ngono 119:105,130)

Efile-Mukulu, mupangi eetu, mwithupe eyi Dyaye bwa kwituleesha eshinda dya kipandjilo na kipaso kyatudya kutambuka muyiile abimusepelesha. Eyi di'Efile-Mukulu di bya kukankamika mashimba eetu mu bipindji bi bukopo. « mwanda bintu byoso bibafundjilwe kwibedi bibafundjilwe pa mwanda wa kwitulambukisha, mwanda wa'shi, pa lwishinko na pa busambi bwa bifundwe, tupete lukulupilo ». (Looma 15:4)

Bifundwe byoso mbiyokyelwe n'Efile-Mukulu

« Bifundwe byoso mbiyokyelwe n'Efile-Mukulu na mbipwandjikiile kulambukisha, bwa kukookyesha, bwa kulumbuula bilubilo, bwa kuyiyisha mu kululama, bwa'shi muntu Efile-Mukulu ekale mulombane na mupwidikye pa mwanda wa mufubo ooso wi buwa. (2 Timote 3:16)

Bafundji booso b'Esambi babaadi batakulwe kwi Kikudi-E-Selele pababafundjile mikanda yaabo, ino yatudi nayo lelo mu mayasa etu yi mu mukanda awitanyinwa'shi Esambi. Mutumiibwe Mpyele bafundjile'shi : « Badilayi kuwuuka bino'shi butemuki su mbumune bwa bifundwe tabwipatuula bunabene nya. Mwanda kashaa butemuki tabwafikile muyile kikyeye ki'eshimba dya muntu, anka bantu be selele b'Efile-Mukulu babakwile, bakunkushibwe na Kikudi-E-Selele. (2 Mpyele 1:20,21)

Tatwina mwanda na kifwumbudibwe kipya sungwa malonngyesha apya. Mutumiibwe Yoano bafundjile'shi : « byabya bibanupushishe kubanga ku kibangilo bishadidiile mwanudi. Su byabya bibanupushishe ku kibangilo mbishadidiile mwanudi anwe namu anukashadidiila mwi Mwana na mwi Yaya. Na uno ni mulayilo ubetulayile, muwa wa yikalayika ». (1 Yoano 2:24, 25)

Kibangilo kya mukandu wi buwa

« Kutala nenu'ukisha bakwetu, mukandu wi buwa unanenu lungwile, wawa ubanutambwile, na ngimwanudi, ngi ubenupashiishe, peekale'shi anuningiila mu eyi dinanenu lungwile, su ta mbyabya kukumiina kwenu kubadya kwikala bisumanga. Mwanda, nenu'ukisha kumpala kwa bintu byoso kyakya kinatambwile namu, eshi Kilisto bafwiile pamwanda wa milwisho yeetu, muyile bifundwe, na bashiikilwe, na basangukile mwifuku dya kasatu, muyile bifundwe ; na bamwenekyele kwi Kefase, kunyima kwi ekumi na babidi. Dingi bamwenekyele kwi bakwetu bakile nkama itano musuusa umune, bangi ba munkatshi mwabo [bakii na muwa] mpaa na binobino anka bangi mbalaale tulo. Dingi bamwenekyele kwi Shake, akupu kwi batumiibwe booso ». (1 Bena Kolente 15:1-7)

« Mwanda takwi muntu akutuula kingi kibangilo kushii kyakya kibatuudilwe, kyakya kikale Yesu Kilisto. Na takwi kipandjilo mu ungi muntu ; mwanda namu takwi dingi eshina muushi mw'ewulu, dipeebwe munkatshi mwa bantu, byatudya kwikala bapashiibwe kwadidi ». (1 Bena Kolente 3:11, Mikitshino 4:12)

« Mwanda takwi kwilekena munkatshi mwa bena Yuda na bena Ngidiki, mwanda aye Ngi Fumu umune bwa booso ni mpeta kwi booso abamwitanyina ; mwanda ooso akayitanyina eshina dya Mwanana akapashiibwa ». (Looma 10 :12, 13)

Muntu ooso akumiina mwi Yesu bu Mupaashi na Fumu ena muwa wa yikalayika na kya buntu kya Kikudi-E-Selele

Mutumiibwe Mpolo bafundjile bena Kilisto ba ku Efeso'shi : « Mwadi'ye anwe namu [nwibakulupile], pakupusha eyi di'eyendo, mukandu wi buwa wa kipandjilo kyenu ; pakwiwukumina namu, nubeelwe kitampi kya Kikudi-E-Selele kibalayilwe, mwikale kyee kya bupyani bwetu, bwa kukuudiibwa kupwe kutambulwa, mu kutumbisha kwa ntumbo yaye ». (Efeso 1:13, 14)

Kya buntu kya Kikudi-E-Selele ni nkyee kwi muntu ooso akumiina mwi Yesu bu Mupashi na bu Fumu a bupyani bwi mwiwulu. Fumu Yesu bakwile'shi : « Fikaayi kwandji anwe booso bakookye na